

Na osnovu člana 135. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Zeničko-dobojskog kantona", broj: 13/07, 13/11, 3/15, 2/16 i 16/22), a u skladu sa Programom utroška sredstava planiranih Budžetom Zeničko-dobojskog kantona za 2023. godinu u Ministarstvu za rad, socijalnu politiku i izbjeglice, broj: 02-11-5124/23 od 30.03.2023. godine, ministar Ministarstva za rad, socijalnu politiku i izbjeglice Zeničko-dobojskog kantona raspisuje

JAVNI POZIV

za odabir programa posvećenog obilježavanju dana „Dječija nedjelja“ iz sredstava Budžeta Zeničko-dobojskog kantona predviđenih za 2023. godinu

I. Predmet javnog poziva

Predmet javnog poziva je odabir programa za organizaciju centralne manifestacije posvećene obilježavanju dana „Dječija nedjelja“ koji će se finansirati iz sredstava Budžeta Zeničko-dobojskog kantona predviđenih za 2023. godinu.

II. Pravo učešća

Pravo na učešće i dodjelu sredstava imaju nevladine organizacije i javne ustanove socijalne zaštite sa područja Zeničko-dobojskog kantona, čija se osnovna djelatnost odnosi na oblast socijalne zaštite, zaštite civilnih žrtava rata i zaštite porodica sa djecom.

III. Namjena

Budžetska sredstva su namijenjena za (su)finansiranje programa za organizaciju centralne manifestacije posvećene obilježavanju dana „Dječija nedjelja“ čiji sadržaj treba biti usmjeren na promociju dječijih prava kroz organizovanje raznovrsnih, kulturno-obrazovnih, rekreativnih i drugih aktivnosti posvećenih djeci.

Sredstva za (su)finansiranje projekta odobravaju se u maksimalnom iznosu do 15.000,00 KM.

Vremenski period organizacije centralne manifestacije je prva nedjelja u mjesecu oktobru 2023. godine.

IV. Kriteriji za odabir i ocjenu projekta

Pristigle prijave će se odabirati i ocjenjivati prema kvalitetu predloženog programa koji se ogleda kroz broj uključenih partnerskih nevladinih organizacija i javnih ustanova socijalne zaštite sa šireg područja Zeničko-dobojskog kantona u realizaciji manifestacije, vlastito učešće u sufinansiranju manifestacije, broj djece uključene u realizaciju projekta i aktivnosti, medijsku pokrivenost projekta, inovativnost i kreativnost ponuđenih sadržaja u realizaciji manifestacije.

V. Potrebna dokumentacija

Za prijavu na javni poziv potrebno je dostaviti sljedeću dokumentaciju:

1. Popunjen, potpisan i ovjeren prijavni obrazac (**obavezno popunjen elektronski**);
2. Rješenje o registraciji iz kojeg su vidljivi ciljevi nevladinih organizacija i javnih ustanova socijalne zaštite koji se odnose na oblast socijalne zaštite;
3. Izvod/izvadak iz Registra udruženja Ministarstva za pravosuđe i upravu Zeničko-dobojskog kantona (ne stariji od 6 mjeseci);
4. Uvjerenje o poreznoj registraciji (ID broj);
5. Bilans stanja i bilans uspjeha za prethodnu godinu;
6. Uvjerenje o izmirenim poreskim obavezama izdato od strane nadležne poreske uprave, (ne starije od 6 mjeseci);
7. Potvrda o bankovnom računu i potvrda o solventnosti;
8. Dokaz o visini finansijskog učešća u realizaciji projekta iz vlastitih sredstava ili drugih izvora finansiranja (izjava – ako se finansira iz vlastitih sredstava, odnosno potvrda, sporazum ili drugi dokaz - ako u finansiranju projekta učestvuju i druga lica);
9. Potvrda ili drugi dokaz da će projekat biti medijski popraćen od strane medijske kuće;
10. Reference nevladine organizacije i javne ustanove socijalne zaštite o realizovanim projektima iz oblasti koja je predmet javnog poziva (Odluka o odobravanju sredstava, novinski članci, priznanja, zahvalnice i slično).

Svi priloženi dokumenti moraju biti u originalu ili ovjerenoj kopiji koje nisu stariji od 6 mjeseci.

VI. Završne odredbe

Prijavni obrazac za učešće na Javnom pozivu za odabir programa, može se preuzeti na službenoj stranici Vlade Zeničko-dobojskog kantona (www.zdk.ba).

Javni poziv ostaje otvoren 15 dana od dana objavljivanja, na službenoj stranici Zeničko-dobojskog kantona (www.zdk.ba) i dnevnim novinama „Dnevni avaz“.

Prijavni obrazac za učešće na Javnom pozivu sa pratećom dokumentacijom obavezno dostaviti u zatvorenoj koverti na adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br. 2, 72000 Zenica

sa obaveznom naznakom „NE OTVARATI – po Javnom pozivu za odabir programa posvećenog obilježavanju dana „Dječija nedjelja“ iz sredstava Budžeta Zeničko-dobojskog kantona predviđenih za 2023. godinu“, sa naznačenim nazivom podnosioca prijave.

Ocjenjivanje, izbor i rangiranje pristiglih prijava vrši Komisija koju imenuje Ministar, u skladu sa Pravilnikom za bodovanje, ocjenu i odabir programa posvećenog obilježavanju dana „Dječija nedjelja“ iz sredstava Budžeta Zeničko-dobojskog kantona predviđenih za 2023. godinu.

Nepotpune i neblagovremene prijave neće biti uzete u razmatranje. Također, neće biti uzete u razmatranje ni prijave nevladinih organizaciji i ustanova socijalne zaštite koje nisu dostavile izvještaj o realizaciji projekta finansiranog od strane Ministarstva za rad, socijalnu politiku i izbjeglice u 2022. godini.

Ministarstvo nema obavezu vraćanja dostavljene dokumentacije.

Odluka o rezultatima javnog poziva objaviti će se na službenoj stranici Zeničko-dobojskog kantona (www.zdk.ba).